

Na osnovu člana 73. Zakona o izvršenju Budžeta Tuzlanskog kantona za 2023. godinu ("Službene novine Tuzlanskog kantona broj: 22/22) i člana 23. stav 1. alineja 5. Zakona o ministarstvima i drugim organima uprave Tuzlanskog kantona ("Službene novine Tuzlanskog kantona" broj: 17/00, 3/01, 12/03, 10/05, 3/08, 8/11 i 15/13), Ministar finansija donosi

**UPUTSTVO**  
**O POSTUPKU REFUNDACIJE UPLAĆENIH SUDSKIH I ADMINISTRATIVNIH TAKSI**  
**ZA UPIS U NADLEŽNI REGISTAR**

**I. OPĆE ODREDBE**

**Član 1.**

Ovim uputstvom propisuje se postupak refundacije uplaćenih sudskih taksi za upis poslovnih subjekata u Registarском odjeljenju Općinskog suda u Tuzli i administrativnih taksi za upis u nadležni gradski ili općinski obrtni registar, upisnik putničkih agencija, upisnik turističkih vodiča, upisnik odobrenja za pružanje ostalih turističkih usluga fizičkih osoba, registar trgovačkih radnji, registar ugostiteljskih radnji, te registar izdatih odobrenja za obavljanje privatne prakse zdravstvenih radnika i zdravstvenih saradnika kod Ministarstva zdravstva Tuzlanskog kantona kao i postupak refundacije troškova za nabavku fiskalnog uređaja u cilju fiskalizacije u 2023. godini.

**Član 2.**

Pod sudskim taksama u smislu ovog uputstva podrazumijevaju se sudske takse utvrđene Zakonom o sudskim taksama - prečišćen tekst ("Službene novine Tuzlanskog kantona", br. 4/16 i 10/18) - Tarifa sudskih taksi - vrsta prihoda-722221, i to:

1. Tarifni broj 19. (takse za podneske)

a) Za prijavu u sudski registar

2. Tarifni broj 20. (taksa za upise u sudski registar)

a) Za rješenje o upisu osnivanja privrednog društva,

b) Za rješenje o upisu osnivanja dijelova privrednog društva,

c) Za rješenje o upisu osnivanja drugih pravnih osoba koje nisu navedene pod tačkama a) i b),

d) Za rješenje o upisu osobe ovlaštene za zastupanje pravne osobe,

e) Za rješenje o upisu prava vršenja spoljnotrgovinskog prometa,

f) Za rješenje o upisima koji nisu obuhvaćeni prethodnim tačkama.

Pod sudskim taksama u smislu ovog uputstva podrazumijevaju se i uplate izvršene u svrhu objavljivanja oglasa u "Službenim novinama Federacije Bosne i Hercegovine" za potrebe upisa osnivanja privrednog društva i/ili upisa prava obavljanja vanjskotrgovinskog poslovanja.

**Član 3.**

Pod administrativnim taksama u smislu ovog uputstva podrazumijevaju se administrativne takse utvrđene Zakonom o kantonalnim administrativnim taksama - prečišćen tekst ("Službene novine Tuzlanskog kantona", br. 6/12, 15/13 i 10/18) - Tarifa kantonalnih administrativnih taksi - kantonalne administrativne takes - vrsta prihoda-722121 i općinske administrativne takse u skladu sa propisima jedinica lokalne samouprave uplaćene na ime izdavanja odobrenja za rad - vrsta prihoda - 722131, 722135 i 722449.

## II. UTVRĐIVANJE PRAVA NA REFUNDACIJU SUDSKIH TAKSI, KANTONALNIH ADMINISTRATIVNIH TAKSI I OPĆINSKIH ADMINISTRATIVNIH TAKSI

### Član 4.

Pod uplaćenim sudskim i administrativnim taksama, u smislu ovog uputstva, podrazumijeva se uplata koja je evidentirana na Jedinstvenom računa trezora Tuzlanskog kantona (JRT) ili računu jedinice lokalne samouprave u ovisnosti od pripadnosti takse, na način propisan važećim zakonskim propisima i drugim aktima kojima se regulira način uplate sudskih i administrativnih taksi.

Pod uplatiteljem, u smislu ovog uputstva, podrazumijeva se pravno ili fizičko lice koje je izvršilo uplatu sudske ili administrativne takse na JRT ili račun jedinice lokalne samouprave ili uplatu na ime nabavke fiskalnog uređaja.

### Član 5.

Pod fiskalnim uređajem se podrazumijeva fiskalna kasa/štampanje ili drugi uređaj za registrovanje prometa dobara i usluga unesenih u njenu bazu podataka o dobrima i uslugama koji se na propisani način saopštavaju kupcu dobara, odnosno korisniku usluga (klijentu) uz istovremeno evidentiranje na kontrolnoj traci ili drugom mediju fiskalne kase ili drugom fiskalnom uređaju, njihovo periodično evidentiranje u fiskalnoj memoriji fiskalne kase/štampanja ili drugog fiskalnog uređaja kao i formiranje odštampanih fiskalnih dokumenata.

### Član 6.

Pravo na refundaciju uplaćenih novčanih sredstava na ime nabavke fiskalnog uređaja imaju obveznici fiskalizacije koji u toku 2023. godine kumulativno ispune sljedeće uslove:

1. osnuju privredni subjekt prvi put i
2. prvi puta provode postupak fiskalizacije za privredni subjekat iz tačke 1.

Refundacija novčanih sredstava na ime nabavke fiskalnog uređaja vrši se jednokratno.

Pod uplaćenim novčanim sredstvima na ime nabavke fiskalnog uređaja podrazumijevaju se uplate izvršene ovlaštenom proizvođaču/zastupniku ili ovlaštenom distributeru na ime nabavke fiskalnog uređaja, a u skladu sa Zakonom o fiskalnim sistemima ("Službene novine F BiH" broj: 81/09).

### Član 7.

Postupak refundacije uplaćene sudske ili administrativne takse ili uplate na ime nabavke fiskalnog uređaja pokreće se na temelju pisanog zahtjeva uplatitelja.

### Član 8.

Zahtjev za refundaciju iz člana 7. ovog uputstva podnosi se Ministarstvu finansija Tuzlanskog kantona (u daljem tekstu: Ministarstvo).

### Član 9.

Uz zahtjev iz člana 7. ovog uputstva, koji obvezno sadrži osnovne podatke uplatitelja (prezime, ime, adresa, JMBG i kontakt telefon za fizička lica, odnosno naziv i sjedište firme, ID broj i kontakt telefon za pravna lica), prilaže se dokaz o izvršenoj uplati sa jasno naznačenom svrhom uplate (nalog za uplatu ili ovjerena kopija naloga za uplatu, dnevni izvod sa žiro računa i drugi dokazi na temelju kojih se mogu utvrditi podaci i svrha uplate), fotokopija važeće lične karte i fotokopija broja računa odnosno bankovne kartice za fizička lica, odnosno fotokopija

Uvjerenja o poreskoj registraciji i broj žiro računa za pravna lica, dokaz o upisu poslovnog subjekta u Registarskom odjeljenju Općinskog suda u Tuzli ili upisu u nadležni gradski ili općinski registar, dokaz o izvršenoj uplati novčanih sredstava na ime nabavke fiskalnog uređaja (fiskalni račun i faktura – original ili ovjerena kopija, izvod sa žiro računa i drugi dokazi na temelju kojih je moguće utvrditi podatke i svrhu uplate) te eventualno ostali dokazi o izvršenim uplatama.

### III. ODOBRAVANJE REFUNDACIJE SUDSKIH TAKSI, KANTONALNIH ADMINISTRATIVNIH TAKSI I OPĆINSKIH ADMINISTRATIVNIH TAKSI

#### Član 10.

Ministarstvo na temelju analitičke evidencije i dokumentacije sa kojom raspolaže i dokumentacije priložene uz zahtjev uplatitelja, u skladu sa odredbama Zakona o upravnom postupku i drugim zakonima i propisima kojima je regulisan taj prihod, donosi rješenje o utvrđivanju prava na refundaciju uplaćene sudske takse, kantonalne administrativne takse, općinske administrativne takse ili uplaćenih novčanih sredstava na ime nabavke fiskalnog uređaja.

Kada to ocijeni potrebnim, Ministarstvo može od podnosioca zahtjeva ili nadležnog organa zatražiti da dostavi dodatne dokaze ili drugu dokumentaciju potrebnu za rješavanje podnesenog zahtjeva.

Pravo na podnošenje zahtjeva za refundaciju uplaćene sudske takse, kantonalne administrativne takse ili općinske administrativne takse ili troškova na ime nabavke fiskalnog uređaja uplaćenih u 2023. godini ističe 31.12.2023. godine.

Dispozitiv rješenja iz stava 1. ovog člana obvezno sadrži:

- prezime i ime i adresu za fizička lica, odnosno naziv i sjedište pravnog lica - uplatitelja sredstava
- visinu uplaćene sudske takse, kantonalne administrativne takse ili općinske administrativne takse ili visinu izvršene uplate na ime nabavke fiskalnog uređaja;
- šifru prihoda i općine;
- datum uplate;
- identifikacijski broj podnosioca zahtjeva za pravna lica ili jedinstveni matični broj građanina;
- broj žiro-računa i naziv banke kod koje je otvoren za uplatitelja sredstava – fizičkog ili pravnog lica.

#### Član 11.

Refundacija uplaćene sudske takse, kantonalne administrativne takse ili općinske administrativne takse ili uplaćenih novčanih sredstava na ime nabavke fiskalnog uređaja izvršava se potpunom naloga za prenos sredstava, potpisanim od strane ovlaštenih lica, a na račun pravnog ili fizičkog lica - uplatitelja sredstava.

Nalog za prenos popunjava se na način propisan važećim Pravilnikom o načinu uplate javnih prihoda budžeta i vanbudžetskih fondova na teritoriji Federacije Bosne i Hercegovine.

Nalozi za refundaciju mogu se ispostavljati djelimično u skladu sa tekućim prilivom na JRT.

### IV. ZAVRŠNE ODREDBE

#### Član 12.

Na sva pitanja koja nisu uređena ovim uputstvom primjenjivat će se odredbe Zakona o upravnom postupku ("Službene novine Federacije Bosne i Hercegovine", broj: 2/98, 48/98 i 61/22).

### Član 13.

Ovo uputstvo stupa na snagu danom donošenja, primjenjuje se za 2023. godinu i objavit će se u "Službenim novinama Tuzlanskog kantona".

BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
MINISTARSTVO FINANSIJA

Broj: 07/1-11-1956/23  
Tuzla, 01.02.2023. godine



MINISTAR  
Suad Mustajbašić, dipl. ecc